

საქართველოს მთავრობის

დადგენილება №525

2022 წლის 15 ნოემბერი

ქ. თბილისი

„სურსათის/ცხოველის საკვების უვნებლობის სახელმწიფო კონტროლის განხორციელების წესის დამტკიცების თაობაზე“ საქართველოს მთავრობის 2015 წლის 16 ოქტომბრის №533 დადგენილებაში ცვლილების შეტანის შესახებ

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „სურსათის/ცხოველის საკვების უვნებლობის სახელმწიფო კონტროლის განხორციელების წესის დამტკიცების თაობაზე“ საქართველოს მთავრობის 2015 წლის 16 ოქტომბრის №533 დადგენილებაში (www.matsne.gov.ge; 20/10/2015; 240110000.10.003.018919) შეტანილ იქნეს ცვლილება და დადგენილებით დამტკიცებული „სურსათის/ცხოველის საკვების უვნებლობის სახელმწიფო კონტროლის განხორციელების წესის“ მე-17 მუხლის მე-2 პუნქტის შემდეგ დაემატოს შემდეგი შინაარსის 2¹ – 2⁵ პუნქტები:

„2¹. აუდიტის განხორციელების დროს შეუსაბამობის აღმოჩენის შემთხვევაში, უფლებამოსილი პირი ბიზნესოპერატორს შეუსაბამობის გამოსწორების მიზნით აძლევს რეკომენდაციას და გონივრულ ვადას მათ შესასრულებლად, ასევე განუმარტავს რეკომენდაციის შეუსრულებლობით გამოწვეულ შესაძლო შედეგებს.

2². შეუსაბამობის გამოსწორებასთან დაკავშირებული რეკომენდაციისა და მათი შესრულებისათვის გონივრული ვადის განსაზღვრისას მონაწილეობას იღებს ბიზნესოპერატორი ან მისი წარმომადგენელი.

2³. გონივრული ვადის გასვლის შემდეგ უფლებამოსილი პირი ვალდებულია, გადაამოწმოს რეკომენდაციის შესრულების მდგომარეობა.

2⁴. რეკომენდაციების შეუსრულებლობის შემთხვევაში, უფლებამოსილი პირი ბიზნესოპერატორს უჩერებს საწარმოო პროცესს და ხდება აღიარების გაუქმება, იმ შემთხვევაში, თუ საწარმოო აღიარებულია.

2⁵. ამ მუხლის 2¹ და 2⁴ პუნქტებით გათვალისწინებულ შემთხვევებში, უფლებამოსილი პირის მიერ ბიზნესოპერატორის დაჯარიმება არ ხდება.“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი ღარიბაშვილი

